

Lleoliad Estynedig

Manyleb y Rhaglen

Mae'r fersiwn hon o'r fanyleb yn ddilys nes hysbysir y sector AB fel arall.

Cyhoeddwyd ym mis Mawrth 2025

Mae'r ddogfen hon hefyd ar gael yn y Saesneg |

This document is also available in English

www.medr.cymru



Noddir gan
Lywodraeth Cymru
Sponsored by
Welsh Government

Cynnwys

1. Cyflwyniad	3
2. Diben y Rhaglen	3
3. Trosolwg o Ddarparu	3
4. Cymhwysra a Gofynion Mynediad ar gyfer Dysgwyr	3
5. Cynnwys y Rhaglen	3
Lleoliadau Gwaith	4
6. Gofynion Cyflwyno Data	4
Codau'r Rhaglenni	4
Cofnodi Lleoliad(au) Gwaith	5
7. Monitro ac Archwilio	5
Dull Monitro	5
Cydymffurfio â Manyleb y Rhaglen	5
Deilliannau Dysgu	6
Profion Archwilio	6
8. Manylion Cyswllt	6
9. Atodiadau	7
A. Cofnodi'r Profiad Gwaith	7

1. Cyflwyniad

Mae'r Fanyleb Rhaglen hon yn nodi'r gofynion ar gyfer darparu'r Rhaglen Lleoliad Estynedig. Mae'n darparu trosolwg o ofynion y rhaglen, gan gynnwys cymhwysra ac amodau mynediad ar gyfer dysgwyr; ac yn manylu ar y gofynion cyflwyno data i alluogi Medr i fonitro'r modd y darperir y rhaglen a'r deilliannau dysgu ar gyfer y Rhaglen Lleoliad Estynedig.

Mae'r Fanyleb hon hefyd yn rhan o'r Cytundeb rhwng Sefydliadau a Gweinidogion Cymru ar gyfer darparu a chyllido Rhaglenni â manylebau arbennig. Rhaid i chi sicrhau bod eich darpariaeth yn ymlynu wrth y Fanyleb Rhaglen hon.

2. Diben y Rhaglen

Prif nodau'r Rhaglenni Lleoliad Estynedig yw sicrhau bod dysgwyr:

- yn datblygu sgiliau'r gweithle a chyflogadwyedd sy'n diwallu anghenion cyflogwyr
- yn datblygu tystiolaeth ar gyfer CVs
- yn gallu cymhwyso eu gwybodaeth ymarferol a theori
- yn cael y cyfle i godi eu dyheadau a'u nodau gyrfaol

3. Trosolwg o Ddarparu

Rhaid darparu'r rhaglen:

- yn ychwanegol at Raglenni Meysydd Dysgu (LAP) cyfredol ac yn ddewisol ar gyfer dysgwyr
- ar gyfer rhaglenni nad ydynt yn cynnwys profiad gwaith gorfodol ar hyn o bryd fel rhan o'u Rhaglen Maes Dysgu / Cymhwyster
- am hyd at 100 o oriau o brofiad gwaith y dysgwr
- mewn modd digon hyblyg i ddiwallu anghenion dysgwyr neu gyflogwyr unigol

4. Cymhwysra a Gofynion Mynediad ar gyfer Dysgwyr

I fod yn gymwys i gael mynediad i'r rhaglen rhaid i ddysgwr fod yn 16 oed neu drosodd ar 31 Awst, yn union cyn i'r rhaglen ddechrau.

Sylwer bod Medr hefyd yn disgwyl i flaenoriaeth gael ei rhoi, yn y lle cyntaf, i'r dysgwyr hynny sy'n 16 i 18 oed ar y 31 Awst, yn union cyn i'r rhaglen ddechrau¹.

5. Cynnwys y Rhaglen

Rhaglen un flwyddyn yw'r Rhaglen Lleoliad Estynedig sy'n ei gwneud yn bosibl atodi lleoliad gwaith wrth unrhyw raglenni amser llawn academiaidd neu alwedigaethol nad ydynt

¹ Ystyrir bod dysgwr yn 18 oed tan ddiwedd y flwyddyn academiaidd y mae eu pedwerydd pen-blwydd ar bymtheg yn digwydd ynddi. Mae'r diffiniad hwn yn sicrhau nad yw cyllid ar gyfer dysgwr 16 i 18 oed yn newid yn ystod rhaglen unigolyn os yw'r dysgwr yn troi'n 19 oed yn ystod blwyddyn academiaidd.

yn cynnwys profiad gwaith gorfodol ar hyn o bryd, gan ddatblygu sgiliau cyflogadwyedd ymhellach a helpu i godi dyheadau ac ategu nodau gyrfaol.

Lleoliadau Gwaith

Ar gyfer y lleoliadau gwaith, disgwylir i sefydliadau weithio gyda chyflogwyr i ddarparu profiad gwaith ystyrlon ac ymarferol i ddysgwyr. Gellir cwblhau'r elfen hon o'r rhaglen y tu allan i'r tymor neu yn ystod hanner tymor.

Rhaid i'r Rhaglen gynnwys o leiaf un lleoliad gwaith gyda chyflogwr nad yw'r sefydliad yn rhannol neu'n llwyr berchen arno, lle gall dysgwyr fod â rôl benodol, datblygu eu sgiliau ymarferol a dod i gysylltiad â rhedeg busnes o ddydd i ddydd.

Dim ond fel dewis olaf y dylid defnyddio Amgylchedd Gwaith Realistig (RWE) yn y coleg ac ni ddylai roi cyfrif am fwy na 25% o gyfanswm nifer yr oriau. Sylwer y gall defnyddio RWE effeithio'n andwyol ar allu dysgwr i gamu ymlaen, gan bod adborth o'r diwydiant yn dynodi bod lleoliad mewn Amgylchedd Gwaith Go lawn yn fwy manteisiol i ddysgwyr sy'n awyddus i gamu ymlaen i gyflogaeth neu brentisiaeth.

Gall prosiectau a gyflawnir ar ran cleientiaid / sefydliadau allanol yng ngweithdai'r coleg gyfrif tuag at oriau'r lleoliad gwaith cyn belled â nad ydynt yn yr oriau addysgu wedi eu hamserlennu ar gyfer y dosbarth a bod y cyflogwr sy'n cydlynu'r lleoliad gwaith yn bresennol hefyd. Sylwer hefyd nad yw gweithio ochr yn ochr â thechnegwyr mewnol y coleg i drin, glanhau a chynnal a chadw offer yn cyfrif tuag at y cwota lleoliad gwaith.

Rhaid i sefydliadau sicrhau bod trefniadau yn eu lle i oruchwylio unrhyw leoliadau gwaith; gan gynnwys asesiadau iechyd a diogelwch a risg cyfoes.

6. Gofynion Cyflwyno Data

Bydd Medr yn defnyddio data o Gofnod Dysgu Gydol Oes Cymru (LLWR) / y Cyfrifiad Ysgolion Blynyddol ar Lefel Disgyblion (CYBLD) i fonitro'r modd y darperir y rhaglen a deilliannau dysgu'r rhaglen ar gyfer y Rhaglen Lleoliad Estynedig.

Yn unol â'r amodau a nodir yn y *Llythyr Dyfarnu Grant* blynyddol, rhaid i sefydliadau sicrhau bod data'n cael ei gyflwyno yn y fformat cywir ac mewn modd amserol.

Mae Llawlyfr Cymorth i Ddefnyddwyr LLWR² a Nodiadau Cwblhau Technegol CYBLD³ yn nodi'r canllawiau y dylai sefydliadau eu dilyn wrth gyflwyno data ar gyfer y flwyddyn academiaidd gyfredol.

Codau'r Rhaglenni

Dylid defnyddio'r codau rhaglenni canlynol (LP74) ar gyfer dysgwyr ar y Rhaglenni Lleoliad Estynedig:

² Gweler [Cofnod dysgu gydol oes Cymru \(LLWR\)](#).

³ Gweler [Cyfrifiad ysgolion blynyddol ar lefel disgyblion \(CYBLD\)](#).

8800AXXP	Rhaglen Lleoliad Estynedig (Peilot) ⁴
8800F01P	Rhaglen Lleoliad Estynedig (Lefel 1 am 100 o oriau)
8800F02P	Rhaglen Lleoliad Estynedig (Lefel 2 am 100 o oriau)
8800F03P	Rhaglen Lleoliad Estynedig (Lefel 3 am 100 o oriau)
8800G01P	Rhaglen Lleoliad Estynedig (Lefel 1 am 50 o oriau)
8800G02P	Rhaglen Lleoliad Estynedig (Lefel 2 am 50 o oriau)
8800G03P	Rhaglen Lleoliad Estynedig (Lefel 3 am 50 o oriau)
8800H01P	Rhaglen Lleoliad Estynedig (Lefel 1 am 25 o oriau)
8800H02P	Rhaglen Lleoliad Estynedig (Lefel 2 am 25 o oriau)
8800H02P	Rhaglen Lleoliad Estynedig (Lefel 3 am 25 o oriau)

Cofnodi Lleoliad(au) Gwaith

Bydd Medr yn defnyddio'r wybodaeth a gyflwynir trwy'r meysydd *LP12 (Enw'r Cyflogwr)* ac *LP13 (Cod Post y Cyflogwr)* yn LLWR i fonitro'r gofyniad hwn; felly rhaid i sefydliadau sicrhau bod data'n cael ei gwblhau mewn modd amserol ar gyfer pob dysgwr.

Rydym yn derbyn na fydd rhai dysgwyr wedi'u cysylltu â chyflogwr neu na fydd ganddynt leoliad gwaith wedi ei drefnu ar ddechrau'r rhaglen, felly'r disgwyliad yw bod y manylion perthnasol yn cael eu poblogi cyn gynted ag y bydd yr wybodaeth am y cyflogwr yn hysbys a thra bo'r dysgwr yn dal ar y rhaglen.

Rhaid i sefydliadau sicrhau hefyd bod unrhyw oriau a dreulir ar leoliad gwaith gyda chyflogwr yn cael eu cofnodi gan ddefnyddio'r meysydd canlynol yn LLWR:

- *LP70 (Amcangyfrif o'r Oriau Seiliedig ar Waith)*; ac
- *LP72 (Oriau Seiliedig ar Waith Gwirioneddol)*.

7. Monitro ac Archwilio

Bydd gan fonitro ac archwilio rôl o ran sicrhau bod y canllawiau'n cael eu rhoi ar waith yn gyson ac i helpu i asesu a yw polisïau, gweithdrefnau a rheolaethau'n ddigonol.

Dull Monitro

Bydd y dull o fonitro'n canolbwyntio ar y meysydd canlynol:

- cydymffurfio â manylebau'r rhaglen; a
- deilliannau dysgu ar gyfer y rhaglen.

Bydd hyn yn cael ei gyflawni trwy gyfuniad o fonitro yn ystod y flwyddyn ac ar ddiwedd y flwyddyn; ymarfer paru data; a phroffion archwilio manwl ar ddysgwyr ar Raglenni Lleoliad Estynedig.

Cydymffurfio â Manyleb y Rhaglen

Bydd Medr yn defnyddio data LLWR / CYBLD i fonitro'r modd y cydymffurfir â manyleb y rhaglen. Bydd hyn yn cynnwys:

⁴ Ar gyfer dysgwyr sydd wedi'u cofrestru ar raglenni amser llawn Lefel Mynediad.

- monitro lleoliadau gwaith dysgwyr yn rheolaidd gan ddefnyddio data *LP12, LP13, LP70, LP72*; a
- monitro'r data o setiau data'r rhaglen a gweithgareddau i wirio bod gofynion darparu'r rhaglen yn cael eu hateb.

Deilliannau Dysgu

Mae'r modd y mae dysgwyr yn camu ymlaen a chyrchfannau dysgwyr yn fesur perfformiad allweddol ar gyfer y rhaglen ac yn hollbwysig i werthuso'r modd y darperir y rhaglen.

Y disgwyliad yw y bydd y mwyafrif o ddysgwyr sy'n cwblhau eu Rhaglen Maes Dysgu a'r Rhaglen Lleoliad Estynedig ychwanegol yn llwyddiannus yn camu ymlaen i gam nesaf addysg, hyfforddiant neu gyflogaeth.

Profion Archwilio

Yn ychwanegol at y dull o fonitro a nodir uchod, bydd yr holl ddata a ddychwelir gan y sefydliadau Addysg Bellach yn ddarostyngedig i ofynion archwilio diwedd blwyddyn presennol⁵. O fewn hyn, bydd pwyslais arbennig yn cael ei roi yn y *Canllawiau Archwilwyr* i sicrhau bod archwilwyr allanol yn samplu dysgwyr sy'n gwneud y Rhaglenni Lleoliad Estynedig yn briodol.

8. Manylion Cyswllt

Ar gyfer unrhyw ymholiadau ynghylch cynnwys y Fanyleb Rhaglen hon, cysylltwch â Medr yn y blwch negeseuon e-bost canlynol: Buddsoddiadamonitro@medr.cymru.

⁵ Bydd y gofynion archwilio ar gyfer y flwyddyn gyfredol yn cael eu cyhoeddi ar ddiwedd y flwyddyn academiaidd.

9. Atodiadau

A. Cofnodi'r Profiad Gwaith⁶

Rhaglen Lleoliad Estynedig – Cynllun Lleoliad Gwaith	
Enw'r dysgwr:	
Cymhwyster/cymwysterau a wneir:	
Enw'r cyflogwr:	
Cyfeiriad y lleoliad gwaith:	
Natur y busnes:	
Enw'r sawl y bydd y dysgwr yn atebol iddynt:	
Presenoldeb arfaethedig:	
Ymweliadau monitro arfaethedig gan y tiwtor:	

Rwy'n cytuno â'r Cynllun Lleoliad Gwaith uchod:

Llofnodwyd gan y Dysgwr:	Llofnodwyd gan y Tiwtor:	Llofnodwyd ar ran y Cyflogwr:
Enw'r Dysgwr:	Enw'r Tiwtor:	Swydd yn y cwmni:
Dyddiad:	Dyddiad:	Dyddiad:

⁶ DS: Dim ond templed a awgrymir ar gyfer y Cynllun Lleoliad Gwaith yw hwn.

Medr

Y Comisiwn Addysg Drydyddol ac Ymchwil
Commission for Tertiary Education and Research

www.medr.cymru

2 Cwr y Ddinas
Stryd Tyndall
Caerdydd
CF10 4BZ

2 Capital Quarter
Tyndall Street
Cardiff
CF10 4BZ



Noddir gan
Lywodraeth Cymru
Sponsored by
Welsh Government